

光緒湘潭縣志

湘潭縣志卷第九

五行第九

縣書記災祥舊皆闕而不說惟王岱文集頗有記述數十年之事其後二百年多見災異兵寇擾攘無紀錄其月日者迄今幾三十年雖躬見目覩亦已忘之久矣況於前古寥廓荒僻之事乎孔子因魯史而記日食明聖經非史例也諸葛不置史官而見譏後來故略依五行述所聞見以存百里之治云

五行傳曰田獵不宿飲食不享出入不節奪民農時及有奸謀則木不曲直謂木失其性而爲災也又日貌之

不恭是謂不肅厥咎狂厥罰恒雨厥極惡時則有服妖
時則有龜孽時則有雉禍時則有下體生上之病時則
有青眚青祥惟金沴木

木不曲直

光緒四年春正月雨木冰按劉向日冰者陰之盛木者
少陽貴臣象也此人將有害則陰氣脅木木先寒故得
雨而冰也史曰樹介達官怕縣人文武大僚及高第者
自後相繼殂逝年皆不及耆老蓋其徵兆

縣南十二都有民祠祠宋包拯前有樹數十圍不知何
代物也嘉慶中幹節側斷處別發一烏相蓋烏銜實墮

之而遂寄生烏柏實可取油故名樹爲樟子油譌傳能爲妖異其敗木葉落拾者卽病此以不怪爲怪亦木不曲直也

十都二甲有楮楓二樹相去數尺連理或云道光中方士祝詛爲之木連理前史以爲瑞亦木失其性

貌不恭

道光十三年春知縣靈秀試諸錄送童生點名坐堂上流盼不莊諸童譁怒又以故事俟覆試乃唱名給卷今於頭場飭令聽點不合眾心遂相率俱去事聞院司亟令易知縣招考御史復以他事劾靈秀竟坐遣成爲刑

徒此貌不恭之罰也

恒雨

順治四年淫雨二月至五月不止時明桂王稱號永曆元年湘潭尙爲明有其應在明征役繁興奪民農時而恒雨爲災也

康熙九年冬大雨雪自十月二十八日迄十二月二十四日益劇凝冰積素填咽郊野巡撫盧震輕行至湘潭易俗河省災後五年而辟藩吳三桂兵入城縣民創焉道光十一年大雨一月至十三年而有知縣靈秀之獄上命侍郎賽尙阿按其事供應繁擾之應

道光二十六年十二月大雪深二尺餘是時知縣俞舜
欽始至其後亦以試事罷去

咸豐八年七月雨游絲明年流寇石達開圍寶慶縣中
戒嚴民多驚徙

十年三月雨芒天鏡曰天雨雜物皆爲兵喪萬民流亡
自湘軍起縣人罕從軍者至是黃潤昌郭松林俱爲大
將閩里子弟征役死亡者甚眾

同治五年春雨決明子人以爲豆天鏡曰天雨五穀是
謂禾不熟賦斂重數之戒不出五年國乏軍糧易飛候
曰天雨五穀其國大饑凡雨穀豆皆遠方暴風飄而至

決明子亦其類也是時湖南軍餉乏則取辦湘潭

六年大雨壞民居

八年二月二十八日巳時雨黑雨天鏡曰天雨墨是謂陰謀或曰龍行雨則從所取水之色赤黑青黃多有之不爲災也凡氣蒸而上雖臭歲其所化質皆潔清不變色者物怪之所致

九年六月二十九日大雨壞民居

十一年春夏淫雨

服妖

縣去省城不百里而服飾恒異由五方賈客各從其方

制以漸而異其盛也省城或仿效之省城式不至縣也
道光末年縣人常服冠削頂施以雲物類古武士冠謂
之將軍盔又爲半臂加短袖謂之軍機坎北方以半臂
爲坎肩坎當爲款帖伏之名也本起京師軍機大臣早
朝施袍上袪內而縣人士商競以爲美服至婦女亦以
加衫襖咸豐中婦女約髮垂於後而少翹前輕束而髮
浮出謂之蘇州擺擺之言派也言蘇州當派別也此皆
起於縣城流及省城明上不能化民而漸於習俗也

龜孽

同治八年元旦城外長壽亭有蛙盈田以數千計數日

始散蛙爲介蟲近龜孽也介者被甲之象王士達以爲縣必被兵徙家零陵以避之後竟無應其年黃潤昌征苗外於黃平縣人殉者甚眾或曰嘗冬月見青蛙無萬數伏城根當時號爲青蛙圍城然不爲異地氣所感介蟲之孽也

雞禍

順治五年夏童謠雞翼生爪滿五指者輒飛去食之殺人邨邑紛紛戒畜雞初俱疑之久之驗翼閒實有爪狀亦無殺人事王岱說五行志曰異爲雞有冠距文武之狀不爲威儀貌氣毀則有雞禍春秋運斗樞曰遠雅頌

著倡優則雄雞五足劉歆獨以爲南方喙爲鳥星爲羽
蟲禍亦從羽徐季龍曰世有軍事則感雞先鳴者何也
管輅曰雞者兌之畜金者兵之精故太白揚輝則雞鳴
按周景王時雄雞自斷其尾漢宣帝時雌雞伏子漸化
爲雄毛衣變化不鳴不將無距元帝時雌雞伏子漸化
爲雄冠距鳴將魏正始時有四足四翼雞皆爲災永光
中有獻雄雞生角者太初時月氏貢雙頭四足一尾雞
者皆不爲災皆未有翼生爪者龍魚河圖云雞五指者
殺人五色者亦殺人白澤云雞四距重翼者龍也殺之

遭震皆物理偶然與翼爪異

王岱雞翼生爪詩稟南離
今搏異風鼓翰音今搏金

鋒隨天雞兮若木東超羽族兮
脫藩籠雖有刀俎兮安能窮
其時夷船始入江矣順治初
山人又見紅鷹者王岱
亦爲作詩紅鷹前史所未載

同治三年縣人羅德煌統帶選鋒後營鵲忽巢其所乘
舟檣上德煌領軍十餘年人以爲善祥按魏景初元年
陵霄闕始構有鵲巢其上帝以問高堂隆對曰惟鵲有
巢惟鳩居之今興起宮室而鵲來巢此宮室未成身不
居之象天意若曰室未成將有它姓制御之不可不深
慮吳太子和廢爲南陽王遣之長沙鵲集檣上臣僚憂
危以爲不返之象今鵲巢檣之二年德煌遽卒亦咎徵

也

同治八年有婦人將一牝雞三足陳於市地鏡曰雞生子雜異形者主有兵水憂

光緒十四年十三都水竹彎民家雌雞乳子三足尾有二竅其一足生竅上有人翦去其足應時心痛數日乃愈

青管青祥

湘潭對岸窯家數十或無風而煙渡湘向西岸輒爲火徵同治六年七月無風煙渡十七夜十二總正街大火至十一總延燒三重街焚民居千餘戶

金沱木

同治十二年空靈岸杜亭無故自壞

虎食人

明建文中縣有虎患按蔡邕上漢靈帝封事曰政有苛暴則虎狼食人是時湘潭令爲朱詡吏請設窋以捕詡曰猛獸害人令過也吾修省民自爲備可重役以滋煩擾乎於是虎絕跡

順治五年昌山獵家獲熊王岱說五行志云青眚也古占不一妖祥各在人也熊野獸古稱熊館皆石磊枯木非黔蜀僻陬不有今見於湖南是亦異也

王岱詩厥獸維何猱升猱

突厥首維何人臚赤髮厥足維何人距鳥跋胡爾原處
胡爾木跋胡爾人攫胡爾脂滑乃招游畋乃取薄伐乃
羅張張乃矢發發乃傾乃僵乃劓乃剔割蹠剖脂洞胸
貫膈或鼎或鑊或燔或炙是脯是亨是鮮是腊以修庶
珍以勞庶力以供御膳以餉
庶職以介景福以饗帝德

六年虎居城西食人地鏡曰虎入國國將空虛京房易

傳曰無道害民則虎食人是時亡將流寇屠戮過甚

王岱

猛虎行己丑之歲屠潭州白骨如雪成山邱蓬蒿百里
行人絕猛虎寄穴城西頭日斜往往聞哮吼居人閉宅
還悲愁城西可憐灌園子破屋荒郊少鄰里猛虎直入
攫居人踞榻沿牀露牙齒攫者子婦凡十人一半傷殘
半睡臥就中獨有嬰兒存虎怖兒嘵齧復已官軍戈戟
空蜂屯聚首氣懾還雲奔中有健兒恃勇決一中要害
身遭吞會聞功曹左飛化虎還爲吏又聞使君封邵化
虎食民幾無存今之猛虎毋乃是使我絕足城西門安
得酋耳大如掬食

盡山城虎豹肉

光緒十四年五月十七

相賈縣志

康熙三年虎入城食人畜知縣鄭有成禱於城隍神禽
虎獻功因葺城之圯者虎患亦息

同治九年十二都有虎未幾去

光緒十四年五月九都昌山楊柳塘衝山中忽來二虎
不出傷人沈約宋志及白澤圖以白虎仁爲瑞應其近
之乎

傳曰棄法律逐功臣殺太子以妾爲妻則火不炎上謂
失其性而爲災也又曰視之不明是謂不慙厥咎舒厥
罰常燠厥極疾時則有草妖時則有羸蟲之孽時則有
羊禍時則有赤眚赤祥惟水沴火羸蟲劉歆傳以爲羽

蟲

火不炎上

道光五年十一月二十三日錦彎火十五年十一月二十三日錦彎火十年之後災區同地同日傳爲異焉

二十三年正月十五夜十五總火

咸豐元年八月錦彎火十月十八總大火

六年八月初五夜十八總大火

八年十月初旬十八總大火二十三夜錦彎火

同治六年七月十七日十二總大火

九年五月三十日十六總火十月二十日黃龍巷火

光緒十一年五月十七總火

恒燠

乾隆十六年石榴再華

赤管赤祥

同治五年九月二十六夜有氛赤綠色起西北落東南有聲

傳曰治宮室飾臺榭內淫亂犯親戚侮父兄則稼穡不成謂土失其性而爲災也又曰思心不容是謂不聖厥咎霜厥罰恒風厥極凶短折時則有脂夜之妖時則有牛禍時則有華孽時則有心腹之痾時則有黃管黃祥

惟金水木火沴土華孽劉歆傳爲羸蟲之孽謂蝘屬也
土失其性

明世宗嘉靖二十五年四月地震

乾隆中縣十八都二甲東林衝有山寺曰東林庵僧入
廚取飯供佛犬銜其瓢出逐之回顧則寺陷入地

同治六年十八都二甲羅氏屋忽震動側陷入地後以
其故宅爲田

九年四月二十七日五龍山真武殿地坼如人形中若
龍吟者聲清越

光緒十四年二月十七日卯時地震自長沙以上至縣

境白石港皆然其震甚微人初不覺後察廚中疊椀戛擊有聲下四都民居窗櫺牀柱皆自動迺知地震

恒風

明神宗萬曆十六年七月十四日大風四晝夜熟稻皆偃

順治三年三月大風拔木

乾隆十五年三月大風拔木

嘉慶二十五年七月大風楊梅洲船廠有舟吹至錦鸞屋上壓斃二人城東民家屋倒斃一人是年有江西客民與縣民鬪鬥之事

道光三年三月二十八日大風拔木

二十七年五月大風拔木

同治五年五月二十六日大風

六年五月十四日大風拔木

十年十月朔大風拔木

光緒十四年七月大風袁家河市居數十盡毀唯一廬
存焉

夜妖

明崇禎十六年前後數歲常見晝晦劉向日正晝而暝
陰爲陽臣制君也其後明亡桂王子稱制寄命彊臣悍

年刊

將縣境被寇鈔尤甚

王岱書晦黃沙大霧詩大塊紛襍乖愆陽雨百邪騰水二氣雨土陰

火潛然白日無觀斗機失柄指南何所

同治八年二月二十八日時加辰晝晦逾時附近諸縣皆然

牛禍

順治五年花橋牛尾生角益象明亡而桂王子猶支柱數年也

乾隆十年牛疫民間牛種殆盡以人挽犁握鏡日牛大疫勸革動不出三年有大殃後無應

同治八年十二都農民李氏子見兩牛鬥執犁解之一

牛觸李氏子腸出流腹外舛將絕誠家人毋殺牛以爲已夙孽云

華孽

明嘉靖二十三年桂子冬實縣署北有老桂一株癸丑之冬結實如棗味甘如蔗歲暮嚴寒實猶不絕知縣陳應信作桂子亭蓋以爲瑞其後往往見青衣女子數人出入樹根咸以爲怪而伐之李騰芳引泰山之北桂實如橘有青要玉女三千人守之食之者一年僊去謂此其類此以災爲祥也

順治五年有農圃瓜一蔓結東西南北二種瓜瓢中有蘆

服菜王岱云草妖也漢安帝元初三年有瓜異本共生
 一瓜同蒂時以為嘉瓜或以為瓜者外延離本而實後
 乃廢濟陰王迎濟北王子犢然古以瓜瓠喻子孫取其
 絲絲引蔓不絕且纍纍實子孫繁多不盡為災王岱詩云瓜有
葉重光燧燧雨露之澤瓜有實同心億億厚土之德厚
德載矣化於無情一物之微異種同生雨露普矣被於
無測自西自東自南自北

咸豐二年萬嘉砦農圃有南瓜蔓結成龍形或言此神
 藤有神可治人疾惑者祈焉疾果愈請禱者日數百知
 縣有疾亦往禱之無應瓜蔓亦萎

三年城中晨起者見樹木皆挂刀劍人集忽不見明年

粵寇陷城

光緒十四年九都蒿子嶺民家圃生一瓜類人頭耳目
口鼻皆具

傳曰好戰攻輕百姓飾城郭侵邊境則金不從革謂金
失其性而爲災也又曰言之不從是謂不乂厥咎僭厥
罰恒暘厥極憂時則有詩妖時則有介蟲之孽時則有
犬禍時則有口舌之病時則有白眚白祥惟木沴金
金不從革

順治四年正月昌山鳴王岱說漢書曰山常如牛响者

四方分裂之象

王岱詩四野且莫喧聽我歌石之所言
讎兵氣以相沴今漂杵血於川原金不

從革而失性兮氣拂鬱而陰屯
動入天下地之無訴兮
石慷慨以舒冤乍嬰泣伊伊
不同兮含嫗哭於聲吞旋
清激肅慘若驚兮歎谷虎而
風奔氣奮薄乍震恒兮掣
雲雷而晝昏徐舒繞吐納起
伏兮露秋菰於塞垣斂危
衿兮心捫日搖搖兮傷魂縱
寫清角於枯桐兮覺柱摧
音毀而絃繁亂日下民亦何
默默謂我石無言言且直
欲石不言
何可得

陶公山今謂之石背有馬蹶石三石重積同治七年十
二月除夕人遠望見山上有光石忽移出數丈外如公
字先是咸豐四年寇陷湘潭有賊數十曳長繩欲推墮
山石竭力莫能動尺寸至是石移其下機舟甚眾或不
之覺明旦庚午元日復有青蛙之異人以黃飄覆師當
之其年知縣梅震榮爲御史所劾布政使坐免官未幾

巡撫亦罷黃飄之敗由好攻戰梅震榮坐謗議免近於
言不從也

御史奏陳民謠詩蠶食尚餘井上果鴉聲
啼斷墓門花以震榮及布政使姓爲對

光緒十四年十二都二甲山溪石無故自合

言不從

順治初童謠湘潭城將陷爲湖後亦無驗按是時縣地
屬明其後己丑正月大兵屠城尸骸山積至四五月大
水漂去三之二其陷湖之應與

乾隆七年正月謠言兵至皆走匿林中逾夕乃定

嘉慶二十四年五月鄉間謠言兵至逃走數日乃定是
年縣有土客鬪門之獄縣令坐遣戍

年刊

縣中相傳語云窰彎播大鼓來者神莫知所始及光緒十四年六月疫癘窰彎居民相率迎神以驅之前後載大鼓二十四火光喧闐城總效之是年死者三千餘人

恒陽

唐順宗永貞元年秋旱 憲宗元和三年夏大旱

元成宗大德二年五月旱

明英宗天順二年大旱自五月至九月不雨 神宗萬

曆十八年大旱 莊烈帝崇禎十六年大旱

乾隆二年五年大旱 四十二年夏秋旱

嘉慶十二年旱

道光九年春旱 十五年夏旱

同治十三年春夏旱凡旱前史以爲奢僭及冤獄所致
傳曰簡宗廟不禱祠廢祭祀逆天時則水不潤下謂水
失其性而爲災也又曰聽之不聰是謂不謀厥咎急厥
罰恒寒厥極貧時則有鼓妖時則有魚孽時則有豕禍
時則有耳癩時則有黑眚黑祥惟火沴水魚孽劉歆以
爲介蟲之孽謂蝗屬也

水不潤下

唐元宗天寶間碧泉水忽湛翠碧泉之名始此

代宗大曆二年大水

敬宗寶曆元年大水害稼

宋神宗熙寧八年大水

明世宗嘉靖四十二年夏大水沒城郭

神宗萬曆十二年蛟出水沒民居田畝百餘盡成荒谷
十六年大水

順治三年三月大水

六年四月至五月大水

康熙十二年大水

五十二年大水

嘉慶十四年大水前年知縣謝攀雲將去縣士民加漕

折以餽其行

二十一年水自己巳歲加漕折後歲取於民爲定制時知縣張雲璈更增取之

道光五年夏大水時知縣王渭重斂卒以劾罷

六年四月水六月大水

十年九月大水害禾稼時知縣董友筠爲政不治民心
十一年大雨一月湘水溢害禾稼

十三年大水害禾稼是年劾罷知縣靈秀

十四年夏霪雨兩月大水壞民居知縣葉攀麟捐廉俸
發賑民誦之日水上樓百姓愁水上屋百姓哭一葉扁

舟來活佛

二十四年大水

二十九年五月大水下游流民數萬散居城鄉饑疫並行

咸豐二年七月江水溢害稼

四年冬水沸四鄉止水多有沸者自郴至黃

十一年四月大水至五月

八年漣水漲壞民居千餘縣人羅汝懷著論以爲水車之害

同治元年大水

二年大水

光緒十一年夏大水耆老以爲五十年無此災知縣沈錫周躬行拯視釘鞵徒步日夜不遑息民庶感頌

順治三年雨雹大如雞子劉向說雹者陰脅陽也漢志以爲火沴水與恒寒同占下僭上之咎今驗雹之行凍雨之凝者耳其來或廣數里或咫尺而異未知其所應
乾隆七年四月大雨雹

嘉慶二十三年七月交甯鄉界雨雹三十里

咸豐四年四月雨雹

光緒十四年七月石潭附近三十里雨雹

蝗

宋真宗天禧元年蝗

順治十七年三月蝗先是街巷謠蝗入耳食人惟設醮可免數日後果有蟲石餘飛集居民請有司步禱致醮歷湘陰甯鄉湘鄉諸縣

道光十五年秋蝗

咸豐七年七月飛蝗過境時收穫者十之九惟食竹菜有兩家田宅錯互獨食一家禾樹者眾以爲神巡撫駱秉章督州縣撲捕以穀易蝗并收蝗子明年無災或曰湖南春多雨蝗子不能生非掘所能盡也故自來無蝗

患

豕禍

咸豐七年下澇司民羅家豕生象俄而俱歿京氏曰豕生野獸其邑民饑有兵

同治十一年十八總後燕窩民家豕生子六足民相傳觀千總田生慧取而投諸湘流災異圖曰王侯刺史二千石令長不祇上命則豕一頭兩身六腳

十二年湘東岸橫街民袁家豕生子人首人肩京氏曰豕生人之形卽純形聖人且行兵不純形其邑失社稷亦不如所占

光緒十四年十都民家豕生三子一豕身人首一鼻長如象

五行傳曰皇之不極是謂不建厥咎眚厥罰恒陰厥極弱時則有射妖時則有龍蛇之孽時則有馬禍時則有下伐上之病時則有日月亂行星辰逆行

沈陰

明崇禎十六年晝暝沙霧四塞癸未先後數年皆有之縣人王岱說隋書曰天雨黃沙主兵天雨黃霧天下大饑其後流賊犯湘潭復旱如隋志之應

射妖

道光中明月山民有射其山木之鳥者俄而其人自伏
箭外蓋射妖也舊雅曰鶉鷓鴣鴉如鵲短尾射之銜矢
射人春秋經之鶴鶴也非中國之禽或其人所射則鶴
鶴是爲羽蟲之孽皆物怪也

龍蛇之孽

明天啟間縣雲湖有二牛鬥水次一夜見夢令居民助
射青牛誤中白牛俄見青龍決隄去湖遂涸後得龍骨
葬之時明政不綱躬傷湖神失其地主明亡之徵也亡
新天鳳中黃山宮有外龍襄楷以爲應漢誅莽世祖復
興桓帝延熹中河內山上有外龍襄楷以爲易代之徵

桓帝後再世而亡明亦再傳而滅其應正同

乾隆中周氏有女澹衣湘湄有感遂孕過期而生一龍置之水濱俄而風雷交作龍騰躍升天而逝後時見於潭歲時省女沒時省其墓農民胥謂龍爲周龍也時高宗德被華夏拓地萬里當爲至德翔洽之應

咸豐初縣人張氏使工穴地四尺許小蛇無數工熾炭灰殺之見蛇足甚多及歿足並不見京氏易妖曰蛇見於邑不出三年國有大兵其後粵賊犯湘潭

馬禍

同治十一年冬縣主事黃遠積將赴長沙前一日所乘

馬忽赴水死後遠積歸舟至暮雲司溺焉

人癩

宋孝宗乾道五年衡湘間趙生妻李氏素悍妒首忽化爲虎後死今縣十都中路鋪有虎穿橋豈其地與舊志載崔生妻虎所化後還爲虎名氏旣歧未審同異

道光二十七年縣十二都民婦生子猴首能走其夫貧襁負於市藉以乞錢經一日婦陰搯殺之京房易妖曰人生佗物非人所見皆爲天下大兵後數年而有粵賊之擾

咸豐元年民陳氏婦生子三乳子長爲人佐質庫無它

異

日變

明崇禎十六年日門宋志日日門者別有假象共日體相凌離而合合而復離日魄失光乍明乍暗者爲日門門者兩侵之象王岱湖南災異詩引金梁風一日入蜀一日向東京一日來朔方蓋以爲明福唐桂三王帝制之假象也湘潭於丁亥之春始隸版籍故縣人見其異象

星變

順治五年五月二十九日時加申初刻有星黃赤圓大

如瓠尾曳如繩長約丈曲折繞旋自西南墜王岱說史
異云流星自上而降曰流飛至地曰隕墜流星有八天
使天暉天雁天保祥也地雁梁星營頭天狗妖也俱主
兵戊子湘潭尙爲明有明年而大兵取湘潭自是以後
流星歲有巨者然無足記咸豐中王士達在鶴嶺見流
星如織是時天下多有見者非一方之祥故亦不錄

疫

元至元十五年四月大饑民以疫歿者無算時熊桂等
舉義兵復宋爲行省兵所滅兵氣之餘疹也

明神宗萬曆十八年疫

光緒十四年五月行二十

順治六年正月大疫時兵過殺戮方盛餘疹成疫也有一門殄絕者

雍正五年大疫

乾隆四十四年大疫於時太和翔洽而六疹時見益知一州一邑牧令主其休咎也

道光十六年四月大疫

二十二年大疫

二十九年饑疫

同治二年七月疫

光緒十四年六月七月大疫死者數千人疫氣自郴衡

及於長沙岳州遂至蘇揚間皆俄頃僵仆士大夫家閒亦傳染謠言疫鬼待除夕而去民間議欲罷市以禳之數十日乃定

湘潭縣志九

湘潭縣志卷第十

藝文第十

湘南之文蓋盛於重黎之世分地莫聞書籍無紀祝融
玉牒江潭詞賦皆無得而述已縣肇於梁而今地因唐
文藻萌芽謝令來觀越宋譚胡大昌儒道元明繼盛燮
李清華

聖清受命詞臣胡胡前王後劉蜚聲京洛恪勤父子珥
筆天府陶園後起名溢九州龔生高第爲光列郡高族
單門人人有集研經則羅胡鉛槧後先阮紀摛文則黃
歐三子沆瀣姚梅乃者羣彥竝興撰述名學者常數十

人皆自抱隋珠握荆玉故縣自嘉慶以前科第甲於長沙咸豐以後六莠抗於九府然地當都會商旅輻湊饒沃浩穰兵爭所必先每遭貞元輒多屠戮民人殲滅圖書銷亡故前哲之撰著埽地盡矣趙宋之後刊板流布稍廣亦或有錄無書或成書未幾而與身俱泯卽篇目且無存者同治中修縣書博訪耆宿遺著議必其家有書乃著於錄遺書始大出羅中書第次本末提列其要遠追崇文近宗庫目爲文籍志四卷順治後頗魁闕佚前明以上存者寥落今又並搜遺籍悉著書目就茲所存參諸六畧按其部類亦已大備然其書未出與其身

存者光於前賢灼灼於當代皆不得與此數或或乎彬
彬乎魯無君子者斯焉取斯後之覽者但觀班劉之體
悟四部之疏因流探源使六藝九流粲然復章卽目錄
之學何渠遜撰述故具以所錄著於篇

易傳十卷

譚世勣撰宋史著錄世勣有傳

易解

彭宗孟撰宗孟有傳

周易童荅二卷

周循撰循有傳

易箴

張燧撰燧有傳

周易訓義六卷

二有_二撰俞宜有傳

周易纂注

唐吉會撰吉會有傳

周易益蒙

李琪撰琪有傳

周易纂義

楊芳遠字爾發撰

臥雲易萃十卷

曾鎮撰鎮有傳

易義纂要二卷

劉大堯撰大堯有傳

周易解誼

劉元燮撰元燮有傳

周易注解四卷

張廷儀撰廷儀有傳

周易告蒙四卷

趙世迥撰四庫存錄世迥字鐸峯乾隆

凝園讀易管見十卷

羅典撰典有傳

周易補義二卷

羅天閻撰天閻有傳

條舉鄭易得失一卷補誠齋雜卦傳一卷

曹光詔撰
光詔有傳

周易講義 朱顯恪撰顯恪有傳

求心書屋易解 曾傳紳撰

周易卦爻取象求似七卷 石承謹撰

周易經傳通解十五卷 戴醅撰醅有傳

易義鈔三卷 羅修越撰

易義偶存一卷 易慎愔撰

周易訓故大誼三卷 羅汝懷撰汝懷有傳

周易經傳解十一卷 郭承鏡撰承鏡有傳

凡易二十四家二十五部漢後易學約有二宗荀虞求

象焦京闡數王弼明理縣人之言易雖不廢象數然多

宗程傳未離乎王氏者也羅汝懷探漢西京師說之原
嗣丁將軍之絕學其書至離而止惜夫

尙書心鏡

黎銓撰銓明成化中舉人

尙書精義

羅先第撰先第順治初貢生

古文尙書辨證

張坊撰坊有傳

澁園讀書管見十卷

羅典撰

古文尙書攷一卷

張九鐔撰九鐔有傳

尙書今古文雜辨

張世法撰世法有傳

禹貢圖攷一卷

劉香撰香有傳

禹貢山水注

張廷儀撰

禹貢古今義案二卷

禹貢義參二卷

羅汝懷撰

禹貢今釋圖攷三卷

周崇第撰崇第字牧吾道光中諸生

萬歷長沙府志

周之屏撰之屏有傳

成化湘潭縣志

知縣馬琛撰

嘉靖湘潭縣志

知縣陳應信撰

萬歷湘潭縣志

知縣包鴻達撰

順治湘潭縣志十二卷

知縣史宗堯撰

康熙湘潭縣志九卷

知縣鄭有成撰

康熙續修湘潭縣志

知縣張輞撰

康熙再續湘潭縣志十二卷

知縣姜修仁撰

乾隆湘潭縣志四十卷

知縣呂正音撰

乾隆續修湘潭縣志二十六卷

知縣白璟撰

嘉慶湘潭縣志三十三卷

知縣張雲璈撰

湘潭縣志彙二十卷

唐祖价撰祖价有傳

湘潭十續志彙五十卷

王士達羅汝懷等撰

澄海縣志

王岱撰岱有傳

玉山縣志十卷

唐世徵撰世徵有傳

西安縣志十二卷

陳鵬年撰鵬年有傳

揭陽縣志

陳樹芝撰樹芝有傳

曲沃縣志四十卷

陵川縣志

桂平縣志

陽城縣

志 天鎮縣志

張坊撰

廣西通志二百七十五卷

宋本敬等撰本敬有傳

岐山縣志

東鹿縣志

偃師縣志

永甯縣志

鞏

縣志

張九鉞撰九鉞有傳

藍山縣志十二卷

劉世臣撰世臣有傳

嘉禾縣志二十六卷

李光甲撰光甲有傳

房山縣志

張世法撰

靈寶縣志

潼川縣志

三臺縣志

張世濂撰世濂有傳

榮縣志十卷

仁壽縣志

許源撰源有傳

恩施縣志

霍邱縣志

張家柵撰家柵有傳

光緒十四

藝文五

湘潭縣志

年刊

萬年縣志二十一卷 峽江縣志

張家棧撰家棧有傳

桐城縣志

尹作翰撰作翰有傳

凡書三十七家五十一部自書有東晉本學者莫敢疑
信乾隆後乃大明無冒用孔傳者羅典注尚書惟用二
十八篇湖南治書識正經者典爲之倡明乎述者哉禹
貢別爲一學而統之書蓋政事莫大於地形方志圖經
書之枝流也自來以繼春秋司馬子所謂謬矣且其序
曰堯舜之盛尚書載之禮樂作焉湯武之隆詩人歌之
廢明聖盛德而不載滅功臣世家賢大夫之業不述墮
先人所言罪莫大焉故史者詩書禮之流非春秋例也

縣志同乎國史而昧者以爲有褒貶刺譏故汨清薄厚

毛詩辨

郭金臺撰金臺有傳

毛詩大小序辨說四卷

曹光詔撰

詩經寤言一卷

朱色撰色有傳

凝園讀詩管見十四卷

羅典撰

詩義商二十卷

韓詩經攷二十人卷

王榮蘭撰榮蘭有傳

詩古音疏證四卷

羅汝懷撰

詩古音釋一卷

胡錫燕撰錫燕有傳

凡詩七家人部縣習胡朱之學知詩者蓋寡凝園獨字櫛而句梳之其勤比何楷而其用心精於鄭箋雖不能

證之以禮要異乎空疏者巡撫大怪之奏其妄作

仁宗斥以爲非汝所及聖人之宏通宜詩之終昌於湘
潭乎王氏意以韓經存者且多聊采掇之欲以扶微而
羅胡之於古音亦樂節之資

讀周禮寤言

蕭震萬撰震萬有傳

禮記大旨

蔡汝任撰汝任有傳

掄窩禮攷一卷

戴醕撰

中庸贊

周聖楷撰聖楷有傳

大學要義

中庸要義

朱聲越撰

大學真詮

中庸真詮

李家昂撰

大學中庸鄭孔義存是一卷

曹光詒撰

禘祫詳說

張九鉞撰

明堂攷

張九鉞撰

昏說

張經田撰經田有傳

四禮時宜

張琛撰琛有傳

漢制攷遺四卷

王榮蘭撰

本朝宰執表八卷

譚世勣撰宋史著錄

三國職官志二卷

王榮蘭撰

凡禮十二家十六部縣之人盛於道學則務於禮張羅曹戴之倫皆欲以型俗救誣自道光以前士大夫子弟

見諸父友如諸父無敢稱姓字者長者亦直以子弟畜之斯禮之行於鄉者與若夫攷古準今典章器物之儀文則以俟後賢

樂記攷 侑攷

戴醜撰

文廟樂舞譜一卷

王士達撰士達有傳

音韻心傳二卷

劉香撰

音韻新書二卷

胡本撰本有傳

韻通十卷

楊盛蓆撰

凡樂五家六部樂之行於州縣者唯一丁侑舞王戴親講習焉論音韻者樂之本也詩韻乃爲訓故之一家故

以韻書三家入於此其詞曲實樂章而後之作者目爲詩餘今悉次之詩歌類焉

春秋雜說

洪遵度撰遵度有傳

春秋注

張大任撰大任有傳

澁園讀春秋管見十四卷

羅典撰

春秋輯注

朱聲越撰

讀春秋淺說

蕭震萬撰

春秋雜記二卷

工榮蘭撰

春秋說四卷

郭承鏡撰

說左約箋二卷

夏大觀撰大觀有傳

光緒十四

藝文八

左氏義箋十卷 春秋世族譜校補三卷 春秋世表

二卷 帝繫釋一卷 王榮蘭撰

姓氏百家新箋一卷 周星撰

明朝寶紀 王岱撰

存人錄二十四卷 秦文超撰 文超有傳

古史新編殘缺季漢紀三十卷 楚後檣杙十三卷 王榮蘭撰

凡春秋十家十三部縣人說經之家易及春秋最先或義兼三家或專明左氏皆有可觀并錄之

論語訓義二十卷 王晉瓚撰 晉瓚有傳

論語集義二十九卷 王榮蘭撰

鄉黨蒙訓一卷

張力卓撰 力卓有傳

論孟經緯

李家昌撰

釋孟一卷

曾鎮撰

孟子集義十四卷

王榮蘭撰

凡論語五家六部論語文句易解而典禮難明冠者五六童子六七射禮也自漢以來說之不瞭乃專求於精深其後以爲科舉之書故二王發憤研古義以合漢人家法而俗儒見之謂爲背朱注試則黜落矣

孝經考論

張九鐔撰

孝經古注輯述一卷

王榮蘭撰

光緒十四年

藝文九

湘潭縣志

五經精義

王應中撰應中有傳

十三經源流一卷

曾鈞撰鈞有傳

十三經質疑

夏大觀撰

經訓畬畬八十卷

王榮蘭撰

綠漪草堂經說八卷

授經省私錄

羅汝懷撰

四書解義

吳陝京撰

四書偶舉一卷

朱色撰

四書博義七卷

趙世迥撰

四書釋地參訂一卷

易慎備撰

凡孝經十家十二部孝經通論大義故凡通釋諸經者

附焉孝經家以明義爾雅家以釋文皆總賅六藝紀綱
羣籍張王專釋孝經俾漢注粲然諸儒承宋學治四書
意主通大義從類附焉

六書統攷十七卷 文字偏旁舉略一卷 記字珠四

卷 經傳金石假借字輯一卷 羅汝懷撰

緝雅二十八卷 王榮蘭撰 辨名十卷

草書千文 曹試撰試有傳

凡小學三家七部湖南言爾雅說文者本朝首衡陽王
夫之道光時其七世孫校刊其書於湘潭事始於羅歐
陽氏而王氏主其讎對時新化鄒漢勳頗有改定王弗

善也然小學自是益明諸羅歐陽子弟必通六書今且
婦女徒隸皆習篆籀汝懷爲老師比椎輪矣

凡六藝百一十二家百四十四部縣人經學之聲著於
列縣近日提學案試首選者輒湘潭生員漢史傳儒林
嘗謂經術浸昌由利祿之途然然四書取士五百年而
孔書未昌且日益晦闇烏有窮經之士而志於利祿者
乎由前衡麓學派亦始於黎彪諸家所謂宋學者探索
久矣義理大明乃知儒聖所由殊途而求之於經衷之
於聖斯則縣學淵源之自夫序六藝爲九種

胡氏傳家錄五卷

楊訓胡大原等撰訓等並有傳

朱子語錄一卷 鍾震撰 震有傳

朱陸平論一卷 朱色撰

性理會要 王應中撰

性理纂要 曾用璜撰 璜有傳

思問錄 張爲權撰 爲權有傳

自鏡錄二卷 羅汝懷撰

朱子性理吟注一卷 郭遠源撰

庭訓受知錄 尹蘇民撰 蘇民有傳

嘉言明保一卷 曾鈞撰

耕心堂家訓二卷 羅修渭撰

諭後邇言一卷

羅德洵撰

教學規矩一卷

曾鈞撰

廣蒙經一卷

張坊撰

蒙養圖說

楊珊撰珊有傳

備鑒錄

李騰芳撰騰芳有傳

潛河說

周之龍撰之龍有傳

河工條約一卷

陳鵬年撰鵬年有傳

在公錄

張嘉言撰嘉言有傳

浦龍政略二卷

秦文超撰

麻仕政略四卷

陳鵬年撰

經世明徵四十卷 曾鈞撰

山西政蹟三卷 張坊後人記

山西從政記一卷 張力卓撰

黔中從政錄二卷 張經田撰

麻代史論 曾用璜撰

讀書大意錄四卷 曾鈞撰

通鑑萬言總論一卷 張坊撰

史論合編四卷 張增撰

史繩六卷 朱準撰

麻代史評 秦天鍵撰 天鍵有傳

光緒十四年 藝文十一

史約偶評

羅天閻撰

外制集五卷

譚端潔奏議二十一卷

譚世勛撰

玉衡集

李文莊奏議一卷

李騰芳撰

陳恪勤奏議二卷

陳鵬年撰

周侍郎奏議一卷

周系英撰系英有傳

石給諫奏議一卷

石承藻撰承藻有傳

黎侍御奏議一卷

黎光曙撰光曙有傳

黎文肅奏議十卷

黎培敬撰培敬有傳

廿二史指掌錄八卷

張玠撰玠有傳

明史指掌錄二卷

羅天閻撰

六朝發潛二卷

王榮蘭撰

楚寶四十五卷

周聖楷撰

湘南耆舊傳二卷

唐昭儉撰

湘南文獻攷略六卷

尹篤任撰篤任字莘田乾隆中舉人

湖南褒忠錄二十二卷

羅汝懷撰

湘潭列女志八卷

唐昭儉撰昭儉有傳

伊洛淵源遺錄二卷

王榮蘭撰

孝子傳十卷

楊蔭恩撰

高士傳贊

曹光詔撰

宗藩寶鑑四卷

曹鈞撰

光緒十四

藝文十三

湘潭縣志

楊武陵事實攷一卷 羅汝懷撰

陳恪勤年譜三卷 唐祖价撰

張度西年譜一卷 張家楷撰

張湘漁自訂年譜一卷 張力卓撰

右儒四十一家五十四部孔子之後儒離爲八漢代以來儒通爲一治世必尊儒故政書皆儒家言縣中儒學自宋已盛李陳名臣通博然以儒爲宗其章句老生誦乎誦矣

耄言一卷 李孚撰孚有傳

談古初 石萬程撰萬程有傳

右道二家二部道家者亦主於治世而務清淨期民自
化自末世闢入神仙諸家之言失其本矣故次錄二家
近道之言

周易圖注二卷

趙世迥撰四庫存錄

易數尋源二卷

周崇第撰

右陰陽二家二部趙氏治易主邵圖出於九宮陰陽家
言而牧吾更推之先天方位雖自謂儒者也其所言乃
自爲一家

西曹具草一卷

龍之龍撰之龍有傳

祥刑錄二卷

譚肇元撰肇元有傳

右法二家二部申商之言法主於令行無違特以刑威之而已謝周治獄有循良之遺其異於刻薄嚴酷以爲法者與

通介論

黃繩憲撰繩憲有傳

五倫解

劉璋撰璋有傳

右名二家二部名家出於禮官緩於法而急於儒者也取其正名二子者得之矣

贖語一卷

劉授易撰授易有傳

右墨一家一部五原最爲陳恪勤所推重而先受泰西景教泰西光重兵家諸學皆源墨子獨不貴儉明鬼而

已誠所謂反之以取媚儒者斷斷疵之又不能勝之近
乃分別諸習基督教家聽從其好曹識山雖灼知橫渠
西銘出於耶穌而不敢著書儒之教力宏矣哉

備倭議

李騰芳撰

陳情紀事一卷

石崙森撰崙森有傳

石縱橫二家二部周衰列國尙辭令推之前古亦猶是
也秦漢務尊中國至於石晉南宋其習不改湘洲在翰
林憂國危言其賢於嚴安徐樂遠矣哉石生一說

聖主動容鄉邦之弊政以清古人庸足多乎

寤書

尹蘇民撰

管涔子九卷 周循撰

博物彙編 郭金臺撰

曾氏雜著四卷 曾鈞撰

識小類編八卷 夏大觀撰

鴻博簡鍊錄 何光昺撰

桑榆夕照錄二卷 蕭震萬撰

掄窩雜攷二卷 戴醅撰

綠漪草堂筆記八卷 羅汝懷撰

三餘齋筆記 王榮蘭撰殘缺

直亭讀書記十二卷 黃遠植撰遠植有傳

右雜十一家十一部儒者貴通其實不純近人若歐陽生兼愛好奇其雜家之學兼諸子之所長者乎然不著書是以存錄諸儒閎博曼衍之言

救荒要策四卷

曾鈞撰

治生廣錄

夏大觀撰

農言八卷

王榮蘭撰

右農三家三部縣之農精且詳勤力務本鄰縣不及也而不能著書儒者又不暇紀錄獨王氏隱賦畝絕世事其言樸雅庶乎汜勝之

宜理小札

周循撰

未見編

千百年眼

張燧撰

王船山時千百年眼書盛行後遂湮沒今始重刻於江蘇

將就園記

周星撰星有傳

禪姻合傳

譚孔昭撰孔昭有傳

客間

王岱撰

談苓彙編

曾用璜撰

雜錄一卷

謝元昌撰元昌有傳

補庵筆記

劉香撰

晉南隨筆一卷

得瓠軒隨筆

南齋筆記

張九鉞撰

蘅芷莊人隨筆五卷

張聲玠撰聲玠有傳

耕餘偶語一卷

張廷儀撰

見聞偶錄四卷

胡洪煜撰洪煜有傳

含飴餘話一卷

朱世繪撰世繪有傳

中山麾古錄一卷

張聲玠撰

湖湘舊聞

王榮蘭撰

先世述聞二卷

羅汝懷撰

錢文紀略四卷

王遠淵撰

酒社芻言一卷

製曲枝語一卷

周星撰

物產志四卷

羅汝懷撰

庶物疏十二卷

廣聖師錄

王榮蘭撰

昭潭漁人印譜

林石撰石有傳

年刊

卷十

竹書紀年攷證一卷

張九鍾撰

史記義林二卷 漢書釋訓二卷 後漢書注補遺一

卷 後漢書刊誤三卷 三國志決疑四卷 晉書志

疑二卷 諸史卮言六卷

王榮蘭撰

日知錄辨誤三卷

胡大均撰

資治通鑑校勘記三十卷 通典校勘記十卷

胡錫燕撰

批選王陽明文集

李騰芳撰

杜詩分體

曾用璜撰

玉谿生詩評

周詒樸撰詒樸有傳

儀鄭堂駢文箋二卷

羅萱撰萱有傳

湘帆詩話二卷

張坊撰

麻代詩話 苕華雜說

張九鉞撰

石樵詩話八卷

李樹滋撰

企悟廬詩評二卷

唐祖价撰

增訂聲調譜一卷

吳登鴻撰登鴻有傳

桑門詩話

釋惟虛撰

右小說二十八家四十八部古之傳小說者以談言解
紛雖不合正經悟俗釋頌以補於治今則類書瑣記大
抵儒家之流至於牌官亭長所論說者俗猶有傳聞而
莫爲之詮錄焉

凡諸子九十四家百二十六部縣貴儒而人流細傳諸子者不及儒十之一絕學久霾明代稍昌然說多偏奇近日乃稍尋古書唯袁氏所藏子部大備亘復散失茲之所錄皆自著之編序諸子爲十種

瀟湘賦

何涓撰涓有傳

狄主簿賦二篇

狄遵度撰

尋樂賦一卷

習嘉言撰嘉言有傳

湖嶽堂賦

周聖楷撰

夏爲堂賦

周星撰

石史賦

王代岳撰

湘門賦

張琛撰

雲壑賦

李觀正撰觀正有傳

帆湘閣賦

張植撰植有傳

陳平越賦

陳樹芝撰樹芝有傳

勞勞賦

陳樹萃撰樹萃有傳

紫峴山人賦一卷

張九鉞撰

竹南賦略一卷

張九鉞撰

羅宮詹賦

羅修源撰修源有傳

漱石園賦

張九鍵撰九鍵有傳

栗齋賦

郭寬章撰

光緒十四

藝文十九

湘潭縣志

紫文堂賦

張世浣撰世浣有傳

瞻麓堂賦

張世法撰世法有傳

周侍郎賦

周系英撰

天山賦

陳中騏撰中騏有傳

右賦二十家無篇數

集騷一卷

徐其相撰其相有傳

五經駢語五卷

郭金臺撰

左傳分類賦十卷

夏大觀撰

右雜賦三家十六卷

譚端潔文集二十卷

師陶集

一卷

譚世勛撰宋史著錄

收公集

王以甯撰以甯有傳

歸林豪六卷

石惟高撰

尋樂文集二十卷

習嘉言撰

王太安集

王學顏撰學顏有傳

紫山遺集

周之基撰之基有傳

熊南文集十卷

周之龍撰

响樓文集 湘洲集十卷

李騰芳撰四庫存錄

願學隅集

周循撰

藕花居文集

石萬程撰

雙鶴亭集十六卷

謝肇元撰

湖嶽堂集十卷

周聖楷撰

此園詩二卷

斐餘集一卷

益楚初集

謝璜撰璜有傳

琴心堂全集

劉培泰撰培泰有傳

乳庵文集

周侯撰侯有傳

文陽集

圃庵集

芻狗齋集

夏爲堂別集六卷

楚材軼草

周星撰

古查亭詩

尹長民撰長民有傳

眾香齋詩

琴尊集

周象清撰

石村文集二卷

石村詩集二卷

郭金臺撰

懶拙詩

尹鷺撰鷺有傳

出山詩 夏楷撰楷有傳

虛白堂遺草 謝應旦撰

白水園詩 易穎麟撰

石竹園詩 浪石近詩 陳長瑞撰

溪上草堂全集 了庵文集九卷 四庫存錄 了庵詩十卷 四庫

存錄 且園近集四卷 四庫存錄 且園近詩五卷 四庫存錄 燕邸集四

卷 浮槎文集十一卷 浮槎詩集六卷 王代山撰

數峯草一卷 燕游草一卷 爲郎小草一卷 雜文

一卷 唐世徵撰世徵有傳

漱石園詩集 唐世超撰

卓三詩集

唐世起撰

秋深寒雨詩

唐鶴彩撰鶴彩有傳

復齋詩集

夏之淮撰

北望草堂集

楊升撰升有傳

詩外刪初集一卷

尹鳧撰鳧有傳

耐庵集

寓衡吟

李琪撰

燹餘草

黃玉鉉撰玉鉉有傳

松籟堂集

郭勸撰勸有傳

玉堂詩集一卷

半山詩一卷

謝錫裕撰

松園餘韻一卷

醉鄉吟一卷

醒來吟一卷

就竹

齋草 松軒詩四卷 夏惟和撰字萬協

南樛堂集 芙蕖閣雜著 松下草 晦明草 周鍾秀撰字麓

起諸生

望亭文集 望亭詩集二卷 胡昺撰昺有傳

觀海集 王楚書撰字孝思國子監生岱山族子爲兄蒙後

似庵詩草二卷 陳式毅撰式毅有傳

損齋詩集十二卷 劉授易撰

梧亭集 有麟撰

桐廬詩鈔一卷 石耀森撰

道榮堂文集六卷 四庫存錄 滄洲詩集二十二卷 四庫存錄 滄洲

近詩十一卷

陳鵬年撰

鄰嶽堂集二十卷

南麓文集五卷
張文炳撰文炳有傳

靜保堂詩編二卷

謝元昌撰

擇鳴草一卷

石詔撰

觀稼樓文集

陸舫詩集
黃中理撰

麟孫詩藁

王振祖撰振祖字孟緒廩監生

湘婁詩

王起祖撰

如洲詩

王邁祖撰字訓子雍正初舉優行

石漁詩集六卷

楓樹亭集

遺安堂詩集

遺安堂

文集

張璩撰

耕雪堂集十卷

曾用璜撰

涵村詩集十卷

涵村文集

秦文超撰

柳溪詩草

尹於清字泊若撰

雲壑集

李觀正撰

心逸堂文集一卷

詩集三卷

張瑗撰瑗有傳

懷園文集四卷

詩集一卷

尹士玟撰士玟有傳

泰邨集七卷

周方修撰字瀚侯

天河集

彭之曇撰之曇有傳

可存草二卷

胡開蔭字可奕撰本之父

潛庵文集

劉大堯撰

蟄園詩集二十卷 黃之倬撰

白雲集一卷 謝申撰

橫經樓集 何洪交撰

帆湘閣文集二卷 詩集七卷 張埴撰

湘漁詩鈔一卷 張埴撰

潭上草堂詩集四卷 張垣撰

敦好堂文集二卷 湘帆詩集二卷 張坊撰

栗齋文集五卷 詩集二卷 郭寬章撰

松巖集 羅作元撰 作元有傳

霞鶴堂集 春園草 聽濤軒集 劉曾撰

榜山詩集一卷 張增撰

寒香草堂集四卷 耨學齋稿 梅垞吟 劉元燮撰四庫存錄

河西草一卷 曾鈞撰

陳鴻臚近詩二卷 陳樹著撰樹著有傳

勞勞集十四卷 陳樹莘撰

蛩鴉集二卷 胡松撰松有傳

臥雲詩集二卷 曾鎮撰

澹遠山房詩一卷 周昭仔撰昭仔有傳

自可齋小草二卷 王悅撰悅有傳

錦鸞詩集七卷 周昭侃撰昭侃有傳

樂郊園集五卷

羅健亨撰 健亨有傳

甄齋詩集六卷

張九鈞撰

漱石園詩集六卷

文集二卷

張九鏈撰

香桂園詩集

退谷詩鈔十八卷

晚香草一卷

張九鑑撰

淇園詩集

唐承烈撰

吳孝廉文豪一卷

吳元觀撰

西域詩存一卷

言思鴻撰 思鴻有傳

胡德清集三卷

胡師亮撰 師亮有傳

經畬堂文集一卷

李光甲撰

紫峴山人詩集二十六卷

文集十二卷

外集八卷

張九鉞撰

笙雅堂文集四卷

詩集十四卷

張九鉞撰

羅鴻臚集二卷

羅典撰

學古初稟一卷

西塘草二卷

羅天閻撰

三餘詩彙一卷

林石撰

綠洲詩草二卷

周昭照撰

尊三集二卷

王恪撰恪有傳

寄生草一卷

余洵撰洵有傳

四香閣詩文集

劉元熙撰元熙有傳

薌林詩草二卷

唐本謙撰

光緒十四

藝文廿五

湘潭縣志

晚翠樓集三卷 王昭照撰

浮鷗草一卷 尹篤任撰

芭汀集 劉貽孫撰貽孫有傳

張處士詩 張力修撰

寄園詩鈔一卷 張九銓撰九銓有傳

曦亭遺草一卷 潘其炯撰

以鳴集 天馬吟 胡本撰

疏星草 何光昺撰

愛吾堂集 山火集 何光晟撰

雪鴻集 張力行撰

瞻麓堂文集二卷

雙樟園詩集

張世法撰

思貽堂集二卷

劉中澤撰中澤有傳

蒙泉詩集

羅浮撰浮有傳

海多吟十二卷

王德臨撰

楓江詩文集

古樂府二卷

夏大觀撰

惺庵詩存一卷

唐昭清撰

喬軒集二卷

胡洪燧撰

淡窩文略

淡窩詩賸

夏大鼎撰

皆曉堂文集

張世淶撰世淶有傳

肅雲樓詩集一卷

張世渠撰

紫文堂文集

張世浣撰世浣有傳

賜霖堂詩鈔

張世濂撰

以俟堂文集三卷

詩集二十九卷

朱色撰

甌山居士文集三卷

朱聲亨撰聲亨有傳

只可吟藏橐

袁遇春撰

鳴鹿集

王自執撰

學吟草一卷

王之幹撰字忠遂諸生

顏蔚然詩一卷

顏仲豐撰

醒園集三卷

胡初齡撰初齡有傳

曾人瑞詩

曾佳宗撰

硯鐵齋集

李幹撰幹有傳

學詩錄三卷

朱怡典撰怡典有傳

筠香草堂詩三卷

小紅山房詩彙

紅豆山莊諺語

一卷

張廷儀撰

復齋詩文集

李宗轍撰宗轍有傳

璧如書屋文集

香草間房詩集

秦天健撰

隨游小草一卷

徐其相撰

春風堂詩草二卷

周系蔚撰系蔚有傳

湘漁集五卷

張力卓撰

雲舫詩鈔

龍先法撰先法有傳

光緒十四

藝文廿七

湘潭縣志

蹋歌行草一卷

張經田撰

觀瀾堂詩集四卷

張世溶撰

甘霖詩鈔二卷

張世湖撰

北游小草一卷

周系英撰

碧山堂詩集三卷

李家福撰

蝨能蝨齋詩彙一卷

徐文壇撰

洞觀書屋詩

龍光穆撰

山草遺餘三卷

李之熾撰之熾有傳

燕游草一卷

半潛山房詩二卷

採菊吟一卷

雨

湖詩鈔

尹澍撰澍有傳

礪松草二卷 張家柵撰

楊處士詩 楊秉謙撰

蔬香閣詩草二卷 蔡鈺撰鈺有傳

尊聞堂詩集 西河草 曾清詔撰

李中書遺集一卷 李在青撰在青有傳

雲湖詩草 曾清謨撰

無爲詩文草八卷 李宗樵撰

崇安堂遺彙二卷 蔡雲達撰雲達有傳

半江詩彙十卷 吳淞撰淞有傳

吟蘆吟草四卷 秋心草 張慈田撰慈田有傳

光緒十四年 藝文廿八

湘潭縣志

年升
二雲山房詩鈔七卷

張履信撰履信有傳

莆田詩草

何官麥撰

蕃釐山樵詩集十二卷

吳登鴻撰

延香挹翠軒詩集

王德符撰德符有傳

課餘吟草

文九華撰

寫心集四卷

羅修越撰

排悶草二卷

羅修揚撰

雲在山房詩草一卷

羅修茲撰

樂天堂詩二卷

周世臺撰

聽竹詩文集

周系湘撰

念庵遺集一卷

陳在茲撰

嘔心草二卷

徐畫堂撰畫堂有傳

礪松軒詩文集

張家樞撰

琅環書屋詩草一卷

張家楨撰

椒圃詩彙一卷

龍德馨撰

蓉裳詩鈔八卷

張家渠撰家渠有傳

鹿門詩草一卷

張家樞撰

桐葉山房詩集十四卷

石承藻撰

少巖詩草一卷

張家樞撰

白渡詩草一卷

王繼之撰繼之有傳

光緒十四年藝文廿九

湘潭縣志

念先草堂詩一卷 朱鵬撰鵬有傳

儂湖草堂詩鈔 袁士元撰

雲麓詩草 郭汪璨撰汪璨有傳

白華詩草一卷 龍瑛撰

懷隱廬詩 石湘筠撰湘筠有傳

胡佩秋詩集 胡友蘭撰

竹西存橐一卷 唐芳樹撰芳樹有傳

寄瀟草 吳國秉撰

百尺山房詩錄一卷 師竹齋詩初橐一卷 張家桐撰

謙庵詩鈔十一卷 張禮撰禮有傳

雙藤老屋詩鈔十卷

張家栻撰

一粟集一卷

劉光臨撰字弟鳩諸生

桂登齋詩彙

羅江撰字秋浦諸生有學行

緣情集五卷

羅世采撰字白初

宜園詩存

鳴蟬集

易慎毅撰

香海山房拾唾

吳禹甲撰禹甲有傳

寄東居士集四卷

周詒樸撰

厚園小草二卷

黃旭永撰

淇園詩集四卷

黃雋成撰

只且園詩彙四卷

吳棠撰棠有傳

望竹軒彙二卷 王晚生撰 晚生有傳

黛方山莊詩集六卷 黎光曙撰

綠蔭山房詩鈔四卷 馮承鈺撰

醒夢閣詩鈔四卷 唐心鑑撰

補餘集六卷 王世藻撰

鄂不庭詩存 徐灝撰 灝有傳

四待軒文存二卷 詩存二卷 馮敬之撰 敬之有傳

琴源山房遺詩六卷 言友恂撰

賜谷遺彙 曾昉撰

四柏山房文集二卷 歐陽兆熊撰 兆熊有傳

蕪芷莊詩集十八卷

文集四卷

張聲玠撰

補讀軒集四卷

胡湘撰湖有傳

麗春書屋遺詩一卷

蕭夢蓮撰

松石籟詩鈔七卷

郭銓撰

栢華館詩三卷

言友恒撰

雙竹齋詩鈔四卷

後集四卷

文敏撰敏有傳

浣花草一卷

易象吉撰

小山山房詩草二卷

何秀駿撰

西園文彙二卷

羅世柄撰

聊草二卷

歐陽書撰

光緒十四年刊

藝文淵一

卷十

詩集十四卷 文集四卷

駢體文一卷

曹光詔撰

遵履堂詩集

馮芳蔭撰

面山樓集

逸餘集

單銓撰

歸雲集一卷

周瑩撰 瑩有傳

亦雲齋集二卷

蕭楚撰

澄江詩草一卷

張家楮撰

小洞庭山房詩鈔二卷

蔡盛清撰

峇谷詩鈔十卷

曾旭撰 旭有傳

綠漪草堂文集二十卷

詩集三十卷

外集一卷

羅汝

懷撰

湘濱文鈔二卷 羅世炳撰

四照堂詩集十六卷 文集二卷 譚溥撰

罵橋山房詩彙三卷 胡賢詔撰

竹舫小草四卷 楊雲松撰字鶴泉諸生

花潭詩彙四卷 李湘甲撰湘甲有傳

歸田集三卷 徐芝撰芝有傳

徂西草二卷 居南草一卷 丁鼇撰

安園詩集五卷 竹本草堂詩四卷 臥綠陰室詩鈔

二卷 一西書室詩一卷 素森後集一卷 丁鶴撰鶴有傳

養虛軒詩四卷 石山居士集二卷 王榮蘭撰

企語廬文彙三卷

詩集四卷

唐祖价撰

陶園詩鈔五卷

周裕駿撰字錦樓道光甲辰舉人

席珍館詩鈔二卷

蕭仁恕撰字心甫諸生

柳愚詩鈔

曹宗元撰諸生

梅蔭山房詩彙三卷

何拔秀撰拔秀有傳

瘦瓢山房詩集一卷

棄餘一卷

曹珂撰珂有傳

貳友山房詩牘一卷

李豫華撰

道積堂詩集一卷

萬永祺撰永祺有傳

若谷山房詩草四卷

蕭之梁撰之梁有傳

隱霞詩鈔七卷

劉本傑撰本傑有傳

龍潭書屋詩彙二卷

黃潤昌撰潤昌有傳

友餘彙十卷

譚錫蕃撰錫蕃有傳

懸鐘石室詩彙二卷

張聞鸞撰

嗣純文存一卷

張聞鸞撰

梅蓀詩集

張坦撰

四勿齋詩彙

顏庶撰

日知齋遺文一卷

胡錫燕撰

一粟山房詩集一卷

周崇第撰

六義堂詩集四卷

陳觀圖撰

琴餘集二卷

歐陽梓撰

石田集四卷

李昌平撰 昌平有傳

六分山房詩二卷

蔡序薰撰

半芋山館集二卷

李鴻鈞撰 鴻鈞有傳

知悔集四卷

李振鈞撰

思恒復齋遺稿二卷

黃遠積撰 遠積有傳

扶荔生覆瓿集十卷

王濟撰 濟有傳

琴洲詩鈔

曾傳道撰 傳道有傳

放浪吟一卷

葛錦芳撰

蓼花齋遺集四卷

羅資撰

秋聲館遺集七卷

歐陽勳撰 勳有傳

勉學齋遺集

曹鼎森撰 鼎森有傳

橫塘漁唱集四卷

譚澍青撰

松根室詩

羅蕃撰 蕃有傳

季紫詩存

羅芝撰

覆瓿集一卷

郭新楷撰 新楷有傳

溥泉山房詩集三卷

周兆鵬撰

小壺天集八卷

曾傳贊撰

聽天命齋文集四卷

黃遠植撰

志道堂遺彙二卷

李宗沕撰 宗沕有傳

繼志齋集二卷

郭承鏡撰

過窗遺藁二卷 張起毅撰

片羽集一卷 曾法彥撰

唾餘集一卷 彭其福撰

遺珠集一卷 胡煦恩撰

守道堂遺詩二卷 李宗洛撰

虛白齋集三卷 胡同壽撰

子愚詩存四卷 李家駒撰

袞遺山茨詩集二卷 文集二卷 黃篤恂撰 篤恂有傳

守拙齋遺藁一卷 石養元妻張九滋撰

廡下吟四卷 梁傳繁妻戴珊撰

惜香集 劉元煒女元琛撰

獨吟樓詩一卷 邵光耀妻郭步蘊撰

繪水月軒詩鈔 袁士彪妻石承楫撰

吟香閣詩鈔一卷 翁錚妻尹作芳撰

燕雪山房集 郭友蘭撰 適蘇州鳳丹山

貯月軒集 王德立妻郭佩蘭撰

半吟樓詩 何官麥妻雷玉映撰

吟香樓彙 周德香撰

慈雲閣詩一卷 周系輿妻王氏撰

希耀閣詩草一卷 張聲玠妻李氏撰

淨一齋詩鈔二卷

張聲玠繼妻周詒繁撰

繡蘭閣吟草一卷

羅貽淑撰甯鄉張文榮妻

蘊香閣遺藁一卷

萬昌韓妻周雅宜撰

吉劭閣集三卷

羅汝懷妻周紉撰

印月樓詩詞牘一卷

王瑞撰攸縣夏恒妻

壽柏軒詩鈔一卷

文字粵妻李玉音撰

若仙集

夏緞芬撰甯鄉黃誥妻

繡珠軒詩一卷

郭漱玉撰衡山羅亨鼎妻

簪花閣詩

郭潤玉撰湘陰李星沅妻

飾性齋詩一卷

周詒端撰湘陰左宗棠妻

蘭吟賸藁

梁文鈺妻言貞玉撰

秋水芙蓉集五卷

李之樾妻衡山聶有儀撰

芸香閣遺詩一卷

黃泰申妻王淑宜撰

紅薇館吟稿二卷

周珊撰長沙張百篋妻

紅薇館吟稿一卷

郭秉慧撰湘陰李杭妻

敏求齋集

王繼藻撰長沙劉森妻

冷香齋詩一卷

周翼棟撰長沙徐樹錄妻

澹如齋詩一卷

周翼標妻湘陰左孝瑣撰

藕香館詩一卷

黃光燾妻周翼杓撰

石鐸集

釋超振撰

岸花亭集一卷

懷遠堂集

釋本章撰

竹軒集

釋本照撰

抱月軒集二卷

釋覺普撰

鉢中集二卷

釋常亮撰

藏暉閣詩十卷

釋惟虛撰

茸香詩二卷

釋覺慧滌塵撰

白雲峯詩一卷

釋權遁石舟撰

擊竹詩一卷

釋奇曇瘦石撰

右詩文三百十九家四百四集

代古詩一卷

郭金臺撰

詠史小樂府四卷 秦天健撰

詠史詩一卷 郭銓撰

詠史詩一卷 王榮蘭撰

楚詠四卷 石湘筠撰

湖南紀異詩 王岱撰

湘潭竹枝詞一卷 余洵撰

湘潭雜詠一卷 張垣撰

湘潭節烈樂府一卷 曾旭撰

雲游集十卷 劉中澤撰

老學軒百二十詩一卷 呻吟草一卷 病言一卷

張璩

倚廬集一卷 郭寬章撰

倚廬集一卷 晏國秉撰

念劬集一卷 蔡銓撰

哀絃集一卷 張家樾撰

雁字詩一卷 譚式湘撰

詩學緒餘一卷 張廷儀撰

梅花詩一卷 桃花詩一卷 羅江撰

百梅詩一卷 蔡振湘撰

竹譜吟一卷 楚敬撰

集唐詩一卷 張坊撰

集唐詩一卷 張聲玠撰

律陶詩一卷 徐其相撰

和性理吟一卷 羅天閻撰

幹枝句錄二卷 秦關撰

右歌詩二十五家四十二卷

文纂四卷 周星撰

先儒文略十六卷 張九鐘撰

異文類擴 夏大觀撰

楚才奇絕三十卷 周聖楷撰

光緒十四年 藝文卅八

湖南文徵二百卷

羅汝懷撰

駢體文三二編三卷

羅汝懷撰

唐詩快十六卷

周星撰

唐詩選

曾用璜撰

唐詩解頤四卷

曾鈞撰

唐詩六百編四卷

羅汝懷撰

宋元詩歸

周侯撰

國朝詩的六十二卷

張臻與甯鄉陶煊同撰

廣麗句集

曾用璜撰

七律流別集十二卷

潭雅集四卷

羅汝懷撰

白雲集 王岱撰

高塘龍眠集四卷 李光瑩撰集李騰芳諸人及己作

絃歌餘韻 言氏家集思鴻諸人詩

紅梅唱和詩 石岷等撰

周梧桐輓詩一卷

岸花亭詩選二卷 續選二卷 明末縣人詩社所作續集則順治時縣人詩

除夕吟蘇詩一卷 羅汝懷及道州何紹基等酬和作

歷下唱和詩鈔一卷 梁文鈺與人酬和作

婁東唱和詩 陳鵬年等

萬卉園贈酬集 錢廣彥錄時人酬贈詩

雨湖唱酬集四卷

齊眉圖詩集

爲郭砧作

蘭畹流芳錄

乾隆中縣人爲羅配作

雙璧詩一卷

詠二女子事具山水志

荷花生日詩一卷

雨湖諸人

江潭輿頌

贈知縣楊篤生

岸花送客詩

贈知縣陳增德

昭潭輿頌

贈知縣郭慶鳳

抱樹圖題詠

文在中妻事具人物志

張氏垂範堂集

張力行集時人表其祖母及壽母詩文

黃羅氏節孝詩 詠羅貽淑事在列女表

右雜詩文三十五家三百八十七卷

王周士詞一卷 王以甯撰

岫雲詞一卷 鍾將之撰將之有傳

了庵詞一卷 王岱撰

喝月詞五卷 陳鵬年撰

秋蓬詞二卷 張九鉞撰

楓江詩餘一卷 詞餘一卷 夏大觀撰

研華館詞一卷 金縷酬春詞一卷 羅汝懷撰

琴源山房詞一卷 言友翰撰

洗桐軒詞二卷

周翼洙撰

蓼花齋詞一卷

羅萱撰

吟秋館詞一卷

周氏珊撰

右歌謠十一家二十卷

凡詩賦四百九家八百六十七集卷湘南之賦始著何涓勝國之季詞人颺起周氏甄錄楚寶乃光湖外近代新化鄧顯鶴緝湖南人士詩爲沅湘耆舊集所錄唯湘潭爲多詫爲七十二縣之冠作者具在其盛矣乎文集編始屈荀雖襍家言詞賦類也故錄詩文集而集選者附之集詩賦爲六種

孫子說印 李騰芳撰

孫子評 張九鐘撰

素書解要一卷 曾鈞撰

兵法集覽二十六卷 歐陽兆熊撰

通鑑軍情紀略二十卷 胡大均撰

增進餉議 絕軍糧議 李騰芳撰

兵饒芻說一卷 羅汝懷撰

右兵權謀七家八部近代儒者論兵莫精於李湘洲觀其料敵決策驗於百世之後何其明也歐胡身際寇亂憂危深切故剗古來用兵之謀備將帥之師資同時胡

文忠命幕府集讀史兵略傳於外歐胡書遂不行

守城機務

謝肇元撰

戰守議

王岱撰

守禦議

周源滑撰

海防議一卷

劉元會撰元會有傳

殄寇議

李振鈞撰

右兵形勢五家五部形勢五家皆身在兵間相地宜以制敵其言過時則無所用湘軍初興李生杖策軍門見謂奇才行不副言棄於二卵悲夫

奇門軍候

于榮藻撰

奇門局圖二卷

周崇第撰

右兵陰陽二家二部縣人李觀正爲陰陽宗嘗推盜當
夜至卽取几案坐牀縱橫交錯爲數道置盤水其中盜
困不得出其書不傳王周俱慕其術而榮藻與左宗棠
友婿宗棠爲大帥將以其術干之其族弟止之不果老
死無後書亦不行

握奇八陣攷

戴醕撰

右兵技巧一家一部湘軍將東伍推王珍珍獨從王士
達問學焉士達不知兵珍所以請業者蓋欲以儒術文
之昔李騰芳奏上戒繼光書其後曾國藩討論陣法無

逾戚氏八陣之圖戚所本也戴醕雖見兵亂而未領部曲本好言易故以易推之亦託於經以張其說與

凡兵書十三家十五部兵家者居九流之外通六藝之精自後世析爲一家莫能復合縣人言兵最名者有王周士胡叔獻近日名將輩出著書自李氏始其前莫聞焉集兵書爲四種

步天歌注一卷

唐芳樹撰

星變紀略

非極出地紀略

蕭震萬撰

算學剖記二卷

黃赤道經緯度表

黃遠植撰

天文管窺

王春甲撰

右天文五家六部分野占星百里之國有可據依同治
初議修縣書長沙丁取忠舉容閱能測歲星以定緯度
制儀器當得千金眾論驚怪而不復問其後費至萬金
度里仍舊圖未加攷也黃遠植以算學補諸生亦爲丁
所推重人士如黃者猶多有其書尤精以著錄斷取遺
書故不及存者

麻算雜說

李觀正撰

東周紀年一卷

張坊撰

三元甲子攷

羅世炳撰

月令廣要

陳鵬年撰

歲時雜記

王榮蘭撰

右麻譜五家五部治麻明時有世官縣人無司天者唯

攷定年麻及代系而已

古五行志二卷

王榮蘭撰

一元要覽

楊和澍撰

選擇彙祕一卷

六壬課局六卷

演禽局圖一卷

周崇

第撰

潭燹紀略一卷

唐昭儉撰

湘變紀略四卷

羅汝懷撰

右五行五家六部縣天文科久闕不補合昏擇日各從

其所信向求之術精者無著書今復采羅氏所記備洪
範五行之遺云

左傳筮法攷

張九鐔撰

筮學先知一卷

胡鼎撰 鼎有傳

右著龜二家二部縣當道光前卜肆必陳龜雖不灼存
其器也著必取孔林者今乃皆無之筮卜而錢筮二子
申明古法而長沙黃傳義以爲著用百莖大衍五十其
用四十九故著生必百而叢舊法皆非士大夫頗用其
新式

漢人占候錄四卷

王榮蘭撰

光緒十四

藝文冊四

湘潭縣志

雨雹牒

朱聲亨撰

祈雨說

羅汝懷撰

驅疫文

馬敬之撰

木龍記

羅新瀛撰

百禽章二卷

夏大觀撰

右雜占六家六部禱占敕勒縣人多精其術蓋五方所
輻湊時有異人至焉然祕授不可示人顯著之術不復
效子衍儒吏止雹禳風不以神怪名賢於京房矣

名勝備志

全輿詩括百卷

張埴撰

輿圖要覽

朱準撰

皇清地理圖一卷

歷代地理圖說

胡錫燕撰

古今水道表二卷

漢溝洫志補注二卷

羅汝懷撰

南北水道圖

王春甲撰

浙游山水記一卷

王代山撰

楚南諸水源流攷

張世沅撰

湖南水道攷一卷

蕭震萬撰

湘潭諸山記

湘潭諸水記

唐祖价撰

衡嶽游記一卷

周星撰

九疑山志六卷

唐祖价撰

赤松山志

劉授易撰

九江攷 羅典撰

洞庭湖志十四卷 夏大觀撰

湘水元夷 周聖楷撰

三川攷略一卷 張九鉞撰

麻代宮闕記二十八卷 二三輔黃圖校注一卷
王榮蘭撰

濂溪志 蔡雲達撰

湘潭記 常奉真撰馮贊引之蓋唐人

湘潭四攷一卷 張垣撰

昭潭志二卷 韋楫撰宋史著錄

空靈岸志二卷 張聞鷺撰

空靈記 釋惟虛撰

碧泉記 郭金臺撰

碧泉志 萬樓志 唐昭儉撰

炎陵志六卷 彭之曇撰

開聖陵廟紀略四卷 王禹書撰禹書有傳

咨餘錄一卷 何光晟撰

西番紀略四卷 羅汝懷撰

海國紀略二卷 王榮蘭撰

西至錄一卷 曾鈞撰

北游記里錄四卷 羅汝懷撰

粵游日記一卷

羅萱撰

八宅喜忌一卷

地理總斷一卷

胡鼎撰

卜蔣合璧二卷

王序鶴撰

來青閣山水譜四卷

李恕撰恕有傳

右形法三十五家四十三部形法者相地形之宜適立都邑制關隘以求永奠之規斯吉凶之說生焉山水游記取適幽奇要亦相陰陽觀流泉之意也攬厥形勝敘而不議斯皆山海經之遺故先著之

凡數術五十六家六十七部縣人數術奇中者康雍間有李觀正乾隆中有朱聲亨嘉慶末有曹緣生道光時

有周詒棠皆以儒者兼通爲異而觀正名最盛莫知其
師授有請學者以紙寸許著鼻端七日紙不颺落迺許
教授乃其書平實無弔詭者其巫覡方士具附方技率
皆樸野不知書所甄錄者固無違道本矣序數術爲六
種

疾脈論一卷

羅健亨撰

經絡圖解一卷

胡鼎撰

經脈圖攷四卷

陳惠疇撰

運氣圖例一卷 脈部圖說一卷

倪遠謂撰

右醫經四家五部醫術以經爲重縣人周世篇當時號

爲名醫通明堂鍼灸之說而不自著書而羅陳乃遂以
醫顯惠疇憤俗師之謬游學京師習業太院故操術獨

工

醫門正旨四十卷

馬肩撰肩有傳

醫宗約徑一卷

醫學破愚一卷

傷寒擴論四卷

附子辨一卷

羅健亨撰

喉科大成四卷

馬渭齡撰

本草名別三卷

銀海啟微二卷

咽喉證海二卷

豆疹宗鏡一卷

瘍醫元義二卷

正骨集驗一卷

倪遠

誦撰

證治集要十二卷

唐述鼇撰

顛狂條辨一卷

郭傳鈴撰

白喉證辨一卷

夏邦佐撰

張氏古方八陣發揮一卷

新方八陣發揮一卷

張聞鶯撰

右經方六家九部素問尊至人真人故明上古天真爲主治之原馬肩多與方士游神會沖玄求運氣之說以儒官而工方技其亦醫師在治官之類耶或曰今學官無所事故發憤以醫見淺之乎論馬生矣

祕珍濟陰一卷

周湘門撰

婦科輯要十卷

羅紹說撰

右房中一家二部房中之名本起樂經在術家爲婦女之科今周羅書正俗迷謬班書曰制外樂以禁內情蓋有導引之方可以兼神仙諸家

說莊三卷

說楞嚴

金剛經解

李騰芳撰

廣養生說

羅典撰

妙法蓮華經箋三十卷

南嶽游仙記

釋文性撰

金剛經注采

周律撰

金剛經解二卷

萬繼昌撰

金剛通論一卷

周宗第撰

三教無異同論

王春甲撰

無所住齋隨筆一卷 一筆一卷 二筆一卷 三筆一卷

張經田撰

攷定華氏五禽戲圖說一卷

王榮弼撰

阿諾語錄

釋文惺門徒撰

南雲語錄

釋南雲門徒撰

浮山語錄

釋本章門徒撰

定海語錄

釋竹浪門徒撰

右神仙十三家十人部神仙之說愈傳而愈歧後世老
釋之流其雅馴者近之矣班書所謂盪意平心同死生
之域其知言乎李湘洲以禪言莊周牧吾又以玄詮金
剛庶乎通二氏之局而王氏說五禽最合於術

凡方技二十六家四十二部縣人精醫者巧驗如神其
了然生死近乎仙真尸解之說顧皆不輕著書就所知
者已無所傳況乎五百歲之前乎其或有言論口授者
亦不可知錄今所存序方技爲四種

大凡書六略三十九種六百九十二家千二百六十五
部不計篇卷

湘潭縣志卷第十一

貨殖第十一

自古言治生者必居天下之中盡地力則近藪澤勤畜
牧史言江淮以南無千金之產亦無凍餒之家長沙於
前古卑溼最貧南依五嶺洞庭阻其下游行旅轉運頗
傷艱險然嶺表滇黔必道湘沅則西北磁貨往者亦就
湘沅舟運以往而長沙水步不利泊船故皆輳湘潭自
前明移縣治以來楊梅洲至小東門岸帆檣集連二
十里塵市日增蔚爲都會天下第一壯縣也明代流寇
迄三藩之亂縣當兵衝逃死殆盡及復業城總土著無

幾豫章之商十室而九其聞諸前明者有周環富甲一郡嘗私斃市椒者於家江西商訟之賕賂羣吏自按司以下皆饜其財今因舊志稱環能施與爲作美傳同時曲潭李氏以巨富爲吉藩儀賓高塘李氏當流寇焚掠齋金八十萬市其旗遂保宗族焉康熙初土曠人稀多占田號標產標者折竹木枝標識其處認納糧遂爲承業其時大亂漕重役繁弱者以田契送豪家猶懼其不納至今鬻產者於舊主有脫業銀始於此也然豪族強宗或以仕宦興或以力田富善殖貨者無聞焉東界最近江西商賈至者有吉安臨江撫州三大幫餘相牽引

不可勝數牙僧擔夫率多於土人爭利者頗仇之嘉慶二十四年夏五月辛酉朔江西優人演戲火神祠操土音土人譁笑之江西人以爲大辱甲子演于萬壽宮江西會館也土人復聚鬪之丁卯江西商復設劇誘觀者閉門舉械殺數十人乘牆傾糜粥以拒救者縣人大憤結四廠斷津渡日夜尋門江西客民濫死者亦無數四境洶洶調協標千兵駐湘岸始散窮治其獄當坐先發者而前於會館授得人骨數十筐江西被害者無左證於是巡撫吳邦慶陰右其鄉人令乘夜棄骨湘流縣人益憤飛書京師周系英先亦因對見奏其事有詔詰問

邦慶懼則以系英先有書屬託具奏冀支吾其詞及委員到縣引問館劾尹生證閉門殺人事恫喝之生懼不敢質言石承藻方居憂往觀訟見生囁嚅叱歎聲聞於庭因并坐承藻干預與系英並坐免朝廷多不直邦慶天下駭愕遂造獄以聞各坐誅倡亂者一人從者流徒十餘人而土客相讎江西商客亦暗不得意幾五十年軍興乃始和睦云臨江擅藥材歲可八百萬建昌專錫箔吉安多錢店其餘曰油廣雜曰銅鉛蠟絲曰引鹽皆特行帖擅利他方人亦莫能攙也山西商擅匯票淮商裘褐汾酒關角潞參閩商煙草歲亦數百萬蘇商綢布

咸豐時爲土人分其利自沈申和云江南市酒醬而龔慶祥王大生皆土人大店也廣商則銀朱葵扇檳榔爲大家日割數十口店行倍徙焉計城市街衢三重長十五里三乘之四十五里里二百步率五步一桌子賣之合面相向計每桌日得百錢之利日當糜錢五六百萬如此歲費錢二百餘萬萬而百穀總集易俗場者才略相等本末均衡爲費甚矣近歲乃自衰減不敵前十之一使有憂國務本之儒於盛時禁之法行則民多刑不行則民多姦亦烏知其遽自弭哉海禁開後紅茶爲大率五六十日而買買千萬寇亂江路絕專恃湘潭通嶺

南五口開漢口九江建夷館縣市遂衰猶歲數百萬始
閩中鬻煙絲唯趨湘潭率人日三錢糜二三百萬比於
食鹽軍興湘軍所至則有販建條者隨之自朝官以下
亦相率吸條絲建條行益廣宜可依鹽例推稅而商人
輒顧擔繞越從湘潭擔南土以往以條絲還每發輒百
數十人其江西湖南仿閩煙者不可勝數戶部奏開鴉
片禁徵洋藥稅其漏稅尤甚縣中稅亦歲巨萬次則花
布香油餉酒玻璃羽毛哆羅氈褐丹漆卮茜金鐵之屬
商分七幫街分十總入肩摩夫擔爭行者不遑跣居者
不暇餐塵密善焚彌火彌盛郊野之外聞都邑之宮聲

焉國家征市租籌捐輸歲輒巨萬輸過萬金例加廣學額一員常一歲例額七十當軍興時任孫坦爲令委以聚歛有所徵求輒踰所望坦以此致三品貲數十萬及寇平諸將擁貲還博戲倡優相高以侈靡嘗一夜輸銀至巨萬明日舉典商部帖償之傳以爲豪未十年燬無餘矣然今市面猶甲他縣言貿貨者馬頭口岸裝口舉無與比要皆商運無土物羅汝懷修縣書作物產志盡海內所同有無殊異者其巧匠名工傅伯達治筆汪又盛翦柳泰盛線傳業國初及居仁帽清芝香粉同仁錫器元泰醬祥華飽亦各以贍家起名初土貢有蓮實產

縣西楊塘既而求者眾土人種者珍以自用貢餽者買之衡陽清泉署曰湘蓮道光時

宣宗聖德恭儉悉罷四方土貢湘蓮貢亦罷楊塘遂不復產蓮今衡蓮猶題湘蓮如故舊有名者楊梅洲茄株洲蘆蕪雲塘橘石潭石灰花石豆乳皆不能出境異時麤紙多自湘鄉衡陽來行戶亦多其縣人銅工來自湘陰近亦多土人明末藍蕪驟盛官資以養驛馬石炭土曰煤穰大者聚千人買山采煤數以致訟其歲利大者亦不過千金黃秉元以起其家初攻廿眾曰石堅不易攻秉元曰能堅於飯乎凡恃廿利者如飢之必求食則

可得矣然秉元亦有天幸諸攻廿者傾家亡身不可勝數冶鐵取剛必於蕪湖乾隆中黃聚泰身往傭於蕪三年結良工八人要與歸起鑪聽鋼歲坐致千金至今鋼坊稱聚泰南北推其良西商不復往蕪湖矣傾銀亦祕術也黃億順欲學之陽暗不能言竟傳其方鐵賈則王濟泰蕭恒通濟泰以富刊其先人船山遺書數十種恒通家豪仗有蕭之樑博通賓客至專團練事黜人孫孔林資財恢侈設九典十八達達者其牌記也後折閱而鐵絲擅利至今吉安彭仁和羅小山蕭怡豐皆起茶臘鹽票致貲巨萬彭羅以地訟漸漬致敗怡豐方盛最爲

嗇謹然不能不接官士亦稍侈矣凡商不精心計不富
富則不復從我計是以陶朱三致千金必三徙明商賈
無常贏也貪者不察欲以長子孫豈不謬乎乾嘉時貨
通而銀積於商發源殿布金地上計一總積銀幾二百
萬兩而七都王氏積穀銀直剖大竹鐵束兩頭置銀節
中委階砌閒今市中見銀通不能十萬兩先時大商不
折閱姦商折閱逋負至二三千金則成大訟今乃每開
店歇業輒負欠數十百萬金諸物價直以空票行之市
用銀錢名目歧異田房價通用圓絲銀比庫銀平色百
減十五六初患市錢惡濫不足陌乃有足典餉錢諸名

而復短惡然其害小卽太敝復稍稍公禁戢之權操市
商官不深問也呂汝鈞署縣事惡餉銀傾銷折耗多乃
自設鑪縣堂躬監之折耗更重於市店夫市官久廢士
商襍而不別欲言抑末迂矣本末之不辨而欲籠利權
富國用其難矣哉縣有饒富繇盛之名亦頗浮囂流品
不殊利孔在商官不得制重輕甚者乃假事魚肉之商
亦不自安要之不能奪商權故略述盛衰以待言平準
分六職者覽焉

湘潭縣志第十一

湘潭縣志卷第十二

序第十二

志湘南者蓋始於東漢之世耆舊先賢之傳山水之記
略有存者疆界隨世改易自唐以來然後土斷可得而
攷趙宋方志盛興湘潭無傳焉今之縣書自明中葉先
後三四百年踵續十修前患其無徵而後患其冗繁然
地大物博財力饒裕人文烝會每一增修率期月而成
道光中縣人羅汝懷宿通史學尤精地理以縣書越五
十年所宜增補蒐葺者至眾屬其友王榮蘭唐昭儉勦
橐待之榮蘭博覽傳記自漢以來凡言湘潭官地人事

素嘗私錄補縣書闕誤者千數百事昭儉夙集采縣中
公私譜牒政事文牘單牋巨簿盈篋笥汝懷意以爲合
兩家則古今事跡可知考者毛髮靡遺同治初

朝廷留意方輿徵海內州縣圖籍縣人亦以中興戰功
本於馬坡將增紀武烈上之館部其時耆儒有張本翥
王士達年輩先汝懷本翥老不能入館士達推汝懷總
纂而請袁教之萬政襄翁鍵李鴻鈞振鈞鄧觀龍王裕
慶孫昌祺郭澤春張春藻李恩溥劉華鋏李宗沕羅德
輿吳梅等分其編校胡大均湯金鏞梁文瑗黃佐昌劉
肇慊陳景鵬曾傳經言友恒袁淦黃樹森陳曾琳張嶸

單銓唐鳳翎馬汝梅唐晉文熙瓚劉昌祺袁澤霖羅世炳蕭楚李喬蔭文敏唐先曙徐福基黃昌讚李光掄郭鏡清朱逢辛周柄侯玉堂張汝賢張國光劉榮壽金振聲黃振漢楊淩瀚劉元慶黃舒甲樊沛仁胡序政蔡潤暉萬士蓮曾樾齊之璜胡光杰陳運昌蔡京華等司其采訪郭鎮輔王序翼王鴻舉楊份段榮昂楊燮盛羅梅曹篤光陳兆成李昌耀周崇第楊章煥龍章霓龔承烈龔承緒曾廣源易雲吉胡立驥萬邦式張宗栻孫名照陳星沆陳溥春羅蓋南朱孔揚李之鏐徐綬銓黃見龍張家楫陳文源王家儀周顯烜林起翰張傳楷葛本澧

唐成志郭雲舉羅新杰彭詠裳黃開甲文儀黎慶恩周
之翰曾學敏張鍵周元章伯俊黃光薰陳熾壽孫煌馮
葆瑛黃遠積羅春萼朱作堂趙啟祿左璋唐景皋劉輝
陳汝霖胡錫康宋煜劉惇五陳汝鳳周顯渭譚駿德曾
毓淮曾傳中周式訓齊炳震齊芳樸劉廷珍郭燦李應
昌周蕃大等集其貲其時榮蘭前逝昭儉總其籍昭儉
狷靜居頌之不樂辭去汝懷又請昭儉從弟昭文從新
化晏啟鎮圖測地形譚濠通歷算正其經緯昏日中星
又以蔡毓春王閩運等校其文字閩運客游未能至縣
毓春黎世綬秦簧俱從宦去汝懷留撰省志經十年縣

書不成商民出貲者按前例怪其淹遲於是罷志館而省館徵書急李振鈞以草橐上通志提調裴道臺說縣人郭松林別開館以王闔運主之已定局闔運謂松林曰鄉黨有年輩諸老生業撰集矣我等干之不讓其議又罷汝懷勤志獨撰又二年書成方授刊人議者懲前事貲不繼汝懷尋卒凡前所列自王士達至唐昭文多先後物故縣書竟不成前後令莅任輒擬督輯教諭梅採取羅橐更勘之亦迄不就工又二年王時邁楊恩澍唐傳悖郭遠聲唐壽嵩徐之甲等悉取橐本送致闔運家闔運易其事輒諾數月可定攜之成都三年不開還

塗發之欲下筆輒不知本末是歲知縣沈錫周蒞政聞縣書延滯歲久力督其功自出官俸召羅正鈞王諤議所宜勦宜修待閩運還成之則仍當就官舍闢館搜遺錫周俄移官呂汝鈞代之自汝鈞前署令時勦議至是十九年矣而汝鈞復來振鈞諤應禮部試入京閩運議當以榮蘭子啟原總編校啟原校文江南學使留不遣還又二年朱卓英龔承照王德澡李嘉澍及恩澍之甲乃議借公費以賓興公所代志局供給飲食筆札以陶成學楊熙治助閩運然歷歲久遠志事益厭不能復采訪而鄉人續有增補者皆職官節婦耆民前後重複徒

樊力鉤稽踰年啟原還遂主全書而譚濬前所勘天文
書久置失之晏啟鎮地圖無經緯度里線於是更請李
紹蓮攷中星湘陰殷家儁父子補地圖衡陽夏時濟說
山川光緒十有五年五月書成敘曰

潭名被州地袤湘衡吳介四縣二郡合從唐并宋割

皇監元明襟湘帶漣翼以涓荆屏州上游浩浩穰穰財
賦委積恒爲重輕鳳皇填蠻白杲潛兵周里七百四境
人鄉文教所染絃冕冠裳士德農疇弭歌洋洋壯哉緊
縣南嶽之堂述疆域作縣地圖沿革圖中星表弟一

維縣旣建民蕃物廡鄉不純儉以禮自度百甲相維積

穀億庾財不自私四堂三所水陸津通由庚交午繩直
砥平路石陸土昔困驛騷今無官馬書其任恤教其生
聚述建置作城圖疆域小圖都甲圖驛站圖市肆圖系
以橋渡表石路馬頭表公田表弟二

舊國無史明志有篇時平靡述亂不暇編李王識政包
亦能言惜哉友石不錄其全网羅昔記略存闕殘見世
雖詳曹吏無文述事紀弟三

漣涓雙清嶽脈中行四山作表西鎮東屏平原百里沃
田萬頃隱山九洞或觀仙靈述山水弟四

建甯帶蠻杜輝晉史謝值昌時麗文有斐韓高及包廉

剛繼美

皇運之初疲民勞思休養百年更爲膏脂五都隱賑游
賈難治匪廉匪能弗艾弗澄文武之材宜各有稱述官
師及舊國表職官三表良政列傳弟五

唐資洛口宋比櫟陽明禱不均居圍卒荒康乾

閩澤金土價同漕登甲冊稍啟貪侵明明駱公釐我租
庸令丞承風飲水抱冰述賦役弟六

王牧興禮僉事咨嗟孝廉講學壯武是儀洋洋流風樂
育菁莪

皇典二祠胡李榮華虎臣脫劍來聽弭歌家有置社福

我桑麻述禮典及羣祀二表弟七

維古昔先溯見聞傳遠不過唐近且計年不有題冊榮名翳焉欲存其眾所知者作貢舉文武諸表身有功祿國有褒加或分珪爵或慶枝苗

聖德引年爰及耆胡作誥贈封爵耆民諸表先正遠矣
縣祀永矣史傳被刊家譜曠矣前狄後陳千年之英亦有彪黎附驥而名舉爾所知敢忘景行作四十八列傳
宋顯二孝近得曾湯國俗好義周美郭堂作篤行列傳
大盜席卷靡撓其鋒我助

天威始胡中興東遼西閩並有征雄唯鄂有稽表以揚

忠作忠義表傳民生在勤亦有優閒游心物表奇象環
端作方技內外傳女之令聞黃鳥啾啾既美才明厥德
孔佳貞順濟濟或遺幽霍作列女表傳凡十八表五十
二傳自晉及今前錄所存都士所采各以德鄰載筆之
職不述已聞誰毀誰譽昭之自天述人物弟人

山長善識勝國有祥石隕鼉行莫適所當春秋是謹豈
曰陰陽述五行弟九

唐開文賦宋啟儒林九流並述五藝俱探羅王博采七
錄如琳後有作者椎輪可尋述藝文弟十

湘匯無波嶺表下裝晉珍永錫隴采衡薑軍興漢梗茶

市西洋一縣之租供餉人方古所未有今亦難常檳榔之費擬埒稻梁卽山之治有絲有剛蒲葵萬舟病草千箱疇究其原銀鈔穰穰儻有桑管庶理其綱述貨殖弟十一

凡此十一篇十九圖二十八表總裁古今應於經義上承十集文事靡遺本起鑿石王氏而成於其子羅安之勤族孫紹美孝廉徵文孫猷贊詞譚李言天夏藻山川殷審度里晏圖有依唐編節婦曾生整比百家网羅人廚供財緡錢千萬歷時一紀非曰糜費蓋待其時湘綺幡然克收桑榆裴沈觀成忘其稽留下車論政其或可

攷上之省部副在鄉校作序弟十二

敕授文林郎同知銜湘潭縣知縣加二級紀錄二次 陳嘉榆撰

前

知

縣

沈錫周

前

署

知

縣

呂汝鈞

縣

學

教

諭

余益楷

署

縣

學

訓

導

周步衢

前

縣

學

訓

導

朱上瀛

縣

丞

張凌雲

駙

巡

檢

陳培成

前

巡

檢

何春林

署

典

史

馮光耀

前

典

史

聶任駢

運

同

銜

候

選

同

知

湘

陰

殷

家儁

衡

陽

舉

人

夏時濟

新

化

生

員

晏啟鎮

善

化

廩

生

沈璞

翰

林

院

編

修

朱卓英

工

部

郎

中

蔡枚功

工

部

主

事

周滋大

刑

部

主

事

黃均隆

謝樹燠

馮植仁

戴輔衛

戶部主事

內閣中書舍人

唐傳悖

秦炳直

譚汝玉

黃篤瓚

候選國子監典籍

徐之甲

貧戴花翎候選道前山陰縣知縣

楊恩澍

江蘇候補知府

唐壽嵩

賞戴花翎前平涼府知府王時邁

候選知府龔承照

四品封職候選府經歷黃昌勳

賞戴花翎候選直隸州知州前熱河縣知縣黎世綬

前鳳凰廳學教授黃舒昂

候選同知王德澡

同知銜湖北候補知縣郭遠聲

候選州同王植

胡毓英

周崇森

候選州判 林恒樹

考選知縣改選教諭 吳熙

龍山縣學訓導 彭會昌

候選訓導 劉文瀾

候選 羅鼎

候選縣丞 郭炳昭

舉人 王閻運

黃茂

王猷

羅正鈞

廩

生

王啟原

楊熙治

曹慶高

生

員

陶成學

李嘉澍

程昌曙

曾紀元

王代功

李紹蓮

徐承基

監

生

朱述美

鄧炳青

沈璠

張釗等

同

編

采

校

錄

年升

卷十一

湘潭縣志卷